



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 39. Eutychis Libellus.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V. A. C. 440. *ctam, qua Flavianus jurgia de Fidei materia Eutychi movisse accusabatur.*

His lectis, Thalassius, Episcopus Casariensis, dixit, juxta Imperatoris voluntatem, in ista epistola indicatam, missis omnibus aliis, a Quæstione Fidei esse incipiendum. Julius Episcopus, Papæ Legatus, annuit. Dioscorus dixit: *Non in hunc finem convenimus, ut Fidem, dudum a Patribus nostris explicatam, rursus exponeremus, sed ut examinemus, an novæ opiniones Patrum Decisionibus conformes sint. Ergo ab hac discussione initium ducamus. An Fidem Patrum vestrorum relinquere vultis?* Concilium dixit: *si quis in Fide Patrum quidquam mutet, Anathema sit! si quis aliquid adjiciat, Anathema sit! Patrum Nostrorum Fidem servemus!* plures ejusmodi in laudes Dioscori plausus secuti. Tum Comes Elpidius dixit: *Cum de Fide consentiatis, jubete, ut introducatur Archimandrita Eutyches, qui hujus Conventus causa est, & suam Sententiam vobis explicet.* Annuit Concilium, atque ingressum, Thalassius Casariensis, ut causam suam defenderet, invitavit.

p. 131.

§. XXXIX.

*Eutycheis Libellus.*

**E**utyches dixit: *Commendo me Patri, & Filio & Spiritui S. & Vestræ Justitiæ.*  
Ves



*Vos testes estis Fidei meae, pro qua in primo Concilio, hic congregato, vobiscum decertavi. Habeo in manibus meis Libellum Fidei meae. Jubete, ut legatur!* ergo legi coeptum. Symbolum Nicænum continebat, & testabatur Eutyches, se secundum hanc Fidem vivere, & mori cupere, atque Manetem, Valentinum, Apollinarem, Nestorium, & omnes Hæreticos usque ad Simonem Magum, eosque, qui dicerent, Jesu Christi Carnem de Cælo descendisse, anathematizare. Post hæc legebatur: *Secundum hanc Fidem vivens accusatus sum ab Eusebio, Episcopo Doryleensi, qui contra me Libellos tradidit, Hæreticum me appellans, nulla determinata Hæresi; nempe ut mihi, ad rem improvisam turbato, in causæ meæ examine nova quædam verba exciderent. Episcopus Flavianus comparere me jussit, qui totum ferme tempus cum Accusatore meo consumebat; sperabat, me, cum Monasterio excedere non solerem, non venturum, qua occasione arrepta, contumaciæ reum, deponeret. Nec vana fuit conjectura! dum enim ex Monasterio in urbem Constantinopolim procedo, Magnus, Silentarius, quem in vitæ præsidium Imperator mihi dederat, ad me dixit, nihil jam profuturam meam præsentiam, cum jam, antequam audiver, condemnatus fuisssem. Ipsius hac de re extat testimonium. Ubi*

Sæculum V.  
A. C. 449.

p. 134.

p. 135.

p. 142.

Sup. S. 33.

li 2 in



Sæculum V. *in conspectum Congregationis veni, Fide  
 meæ formulam nec acceperunt, nec leg  
 passi sunt. Et postquam viva voce edixi,  
 Fidem meam Confessioni Nicæna, in Con  
 cilio Ephesino confirmatæ, esse consenti  
 neam, voluerunt, ut aliqua verba adderem.  
 Timui ne Decretum primi Concilii Ephe  
 sini, & Nicæni transgrederer, & petii  
 ut Sanctum Vestrum Concilium hac de re  
 edoceret, paratus, me vestro Judicio sub  
 jicere. Me ista loquente, jusserunt reci  
 tari Depositionis meæ Sententiam, quæ  
 Flavianus diu ante contra me illis, quibus  
 placuerat, verbis, scripserat. Multa quo  
 que in Actis adulterata fuere, quod deinde  
 ad preces meas, jubente Imperatore, demon  
 stratum. Non enim Flavianum Episcopum  
 mea ad vos Appellatio, non canonum  
 meorum Reverentia, non pugna, in quibus  
 grassanti Hæresi caput hoc objeci, cobibe  
 re valuerunt, ne me Auctoritate absoluta  
 condemnaret. Ipse me tanquam Hæreticum  
 furentis populi multitudini, ad crue  
 dele facinus in Ecclesiam Cathedralem, &  
 forum concurrenti, truncandum tradidit,  
 at in extremo periculo Divina me Provi  
 dentia servavit. Sententiam, contra me  
 pronuntiatam, in variis Ecclesiis promul  
 gari, & Monachos eidem subscribere jussit,  
 quod nunquam antebac, ut scitis, nec con  
 tra Hæreticos factum. Eandem in Orien  
 tem transmisit, ut in multis locis Episco  
 pi*

p. 143.

Sup. n. 33.



pi, & Monachi subscriberent, *Judices in* Sæculum V.  
A.C. 449.  
*bac causa incompetentes; cum banc potius*  
*Episcopis illis, ad quos appellaveram, com-*  
*municare debuisset. Hæc sunt, quæ me*  
*coegerunt, ut ad vos, & ad Imperatorem*  
*confugerem. Judici in me exerciti Ju-*  
*dices estote.*

His perlectis Flavianus Constantino-  
 politanus dixit: *Accusator ejus fuit Eu-*  
*sebius; jubete, ut ingrediatur!* Comes  
 Elpidius dixit: *Imperator jussit, ut qui*  
*prius Judices fuere, nunc Partes agant.*  
 Ergo Archiepiscopo Flaviano respondeo,  
*Accusatorem vice sua functum esse; dicit,*  
*se causa vicisse, itaque Judex Actoris jam*  
*Personam gerit, quod & in Tribunalibus*  
*civilibus usitatum. Hodie convenistis, ut*  
*Judices judicetis, non ut Accusatorem ad-*  
*mittatis, & causam a principio repetatis.*  
*Jubete igitur, ut reliqua istius Causæ Acta*  
*legantur. Dioscorus manibus, pedibus-*  
*que consensit, alii Episcopi annuerunt. Ita*  
*Eusebius Doryleensis Concilio exclusus,*  
*& Eutyches admissus. Cum itaque omnes*  
*Episcopi consensissent, ut Acta lege-*  
*rentur, Dioscorus etiam quid Julius, Pa-*  
*pæ Legatus, vellet, exquisivit; qui re-*  
*spondit: volumus, ut Acta legantur, ea*  
*conditione, ut prius Papæ epistolæ reciten-*  
*tur. Hilarus Diaconus adjecit: atque*  
*id, quod petimus, eo magis æquitati consen-*  
*taneum est, quod Sanctissimus Episcopus*

p. 146.

p. 150.



Sæculum V. *Romanus non prius scripserit has epistolas,*  
A. C. 449. *quam sibi hæc Acta, quæ legi vultis, referri, & recitari jussisset.* Eutyches dixit Legati Sanctissimi Archiepiscopi Romani Leonis modo mihi suspecti esse meruerunt, nam in Domum Flaviani Episcopi diver-  
 tunt, prandium ibi sumpserunt, & omne obsequii genus accipiunt. Rogo igitur, ne, quodcunque contra me egerint, cause meæ nocere credatur. Dioscorus dixit: ordo rerum postulat, ut antea ipsius Cause Acta, & deinde Piissimi Episcopi Romani litteræ legantur. Ita postulatio, ut epistola Papæ legeretur, jam secundo elusa. Econtra Acta Concilii, Constantinopoli, octava Nov. 448. & diebus sequentibus celebrati, quorum Flavianus unum, & Eutyches alterum exemplum porrexit, lecta sunt.

*Sup. §. 24.*  
*25. &c.*

## §. XL.

*Lectio Actorum Constantinopolitanorum.*

*Cum legeretur Libellus Eusebii Doryleensis contra Eutychem, & nominaretur S. Cyrillus, Concilium Ephesinum exclamavit: S. Cyrilli memoria in æternum durabit! Dioscori, & Cyrilli una est Fides! Anathema illi, qui aliquid addit, vel rescindit.* Julius, Papæ Legatus dixit: *Hæc Sedis Apostolicæ Fides est.* Postquam lecta fuisset epistola S. Cyrilli ad